

**BH** Khamis, 10 Jun 2021

## Penularan COVID-19

# Boleh tanggung bayar PTPTN tiga bulan

### Peminjam perlu mohon menerusi portal rasmi

Oleh **Muhammad Yusri Muzamir**  
yusri.muzamir@bh.com.my

**Kuala Lumpur:** Kerajaan bersetuju untuk memberikan penangguhan bayaran balik pinjaman Perbadanan Tabung Pendidikan

Tinggi Nasional (PTPTN) selama tiga bulan kepada peminjam yang layak.

Menteri Pengajian Tinggi, Datuk Ser Dr Noraini Ahmad, berkata peminjam yang terkesan boleh mengemukakan permohonan melalui portal rasmi PTPTN mulai hari ini hingga 31 Ogos depan.

Katanya, keputusan itu dibuat berdasarkan keprihatinan kerajaan yang menyedari terdapat peminjam PTPTN masih terkesan dengan pandemik COVID-19 dan belum berupaya membuat bayaran balik pinjaman.

“Tempoh penangguhan bayaran balik pinjaman bermula dari bulan permohonan diluluskan dengan butiran pelaksanaan penangguhan bayaran balik pinjaman ini akan diperincikan PTPTN.

“Diharapkan pengumuman ini dapat membantu meringankan beban ditanggung peminjam PTPTN,” katanya dalam kenyataan, semalam.

Sebarang pertanyaan lanjut, boleh dibuat dengan menghubungi Careline PTPTN di talian 03-2193 3000 yang beroperasi Isnin hingga Jumaat dari 9 pagi hingga 5 petang.